

DEYNÊ NAVMALÎYÊ

FAKTABLAD CSN KURMANJI

MAFÊ KÊ HEYE DEYN BIKE Û JI BO ÇI?

Penaber û hin biyanîyên din dikarin deynê navmalîyê bixwazin. Divê tu, li gel hin tiştên din, ji wan penaberan bî yên ku hatine wergitîn yan li Daîreya karî qeydkirî û mafê te yê standina bedela guncandinê hebe ji bo ku tu deynî bistînî. Divê tu 18-salî jî bûbî gava belediyeyê ku caran pêşîn qebûl kiribûyî.

Deyn ji bona kirîna alavên metbexê û mobilyeyan û tiştên din e. Çênabe pere ji bo tiştên wek xwarin û kirêyê bîn bi kar anîn.

EZ KENGÊ DIKARIN DEYN BIKIM?

Herî dereng tu dikarî di nava du salan de ji roja ku belediyeyê ku cara pêşîn qebûl kiribûyî deynî bixwazî. Heman tişt ji bo xwastina îlaweyê li ser deynî pêştir derbaz dibe.

EZ ÇI QAS DIKARIM DEYN BIKIM?

Mezinahîyê malbatê, ka zarok di malê de hene yan na, ka te xaniyê bi mobilye yan bê mobilye kirê kiriye, yan ka tu di nav mala kesên din dijî yan na mezinahîya deynî tayîn dikin. Tu her gav dikarî meblexeka kêmtir ji ya herî mezin deyn bikî. Heger tu bi awayekê şibhî zewacê (jin, mêr, hevjin yan yar) dijî, divê hûn bi hev re deynî bixwazin. Hingê hûn dê bi piştgirî ji deynî berpirsyar bin. Ango, hûn her du bi hev re ji vegerandina deynî berpirsyar in. Ev berpirsariya we ya mişterek dê dom bike tevî ku hûn paştir ji hev veqetin û cuda bijîn.

Hejmara kesan	Bênnavmalî Hedê herî mezin yê meblexê bi kronan	Binavmalî/ di nav mala kesê din de
1 mezin	10 000	5 000
1 mezin + 1 zarok	20 000	5 000
1 mezin + 2 zarok	25 000	5 000
1 mezin + 3 zarok	30 000	5 000
1 mezin + 4 zarok yan zêdetir	35 000	5 000
2 mezin	15 000	5 000
2 mezin + 1 zarok	25 000	5 000
2 mezin + 2 zarok	30 000	5 000
2 mezin + 3 zarok yan zêdetir	35 000	5 000

EZ ÇAWA DEYNÎ BIXWAZIM?

Rêya herî hêsan ew e ku tu ji miamelekarê xwe yê li Daîreya karî yan daîreya pêşwazîkirina penaberan li belediyeyê bixwazî ku alîkarîya te bike.

Miamelekarê te alîkarîya te dike ku tu daxwaznameyê dagirî û agahdariyên li ser şert û qaîdeyên deynî dide. Paşî miamelekar daxwaznameyê ji CSNê re dişîne

MIN DEYNEK WERGIRTIYE, HEQÊ MIN HEYE BÊTIR DEYN BIKIM?

Tu dikarî bêtir deynî bixwazî heger

- te pêştir ji heqê xwe kêmtir deyn kiribe
- tu êdî ne kirêdar bî di mala kesekê din de yan tu ji xaniyekê binavmalî biçî xaniyekê bînnavmalî
- zarokê ku li Swêdê ji dayik bibe li malbatê zêde bibe
- mirovekê te yê lêzim, ku ew jî ji wan penaberan be yê ku belediye qebûl dikin yan bedela guncandinê distîne, were Swêdê. Mêr, jin, hevjin û zarokê ji 21 salan biçûktir mirovên lêzim in.

Heger tu û mêr, jin yan hevjin bi hev re deyn bikin, hûn bi hev re ji bo vegerandina hemû deynî berpirsyar dibin.

HEQÊ PLANKIRINÊ

300 kron wek heqê plankirinê yekser ji deynî tîn birin. Heqê plankirinê yê deynê îlawkirî 100 kron e.

PERE ÇAWA TÊN DAN?

CSN deynî bi rêya Swedbankê dide. Pere bi rêya çekê yan hesaba te tîn dan. Hesab dikare li Swedbankê yan bankeka din be. *Ji bo ku pere bîn ser hesaba te, divê tu peywendîyê bi Swedbankê bikî û jê re bibêjî ka pere werin kêjan hesabê.*

DEYNÎ KENGÎ DÊ BÊ VEGERANDIN?

Tu dê du salan piştî peredana pêşîn dest pê bikî deynî vegerîni. Heger tu li gor plana peredanê ya adetî pereyan bidî, vegerandina deynî 1 heta 7 salan dom dike.

FAÎZA/FEYDEYA DEYNÎ ÇAWA TÊ HESAB KIRIN?

Gava deynê pêşîn tê dan, yekser faîz/fejde tê hesab kirin. Feydeya du salên pêşiyê li ser deynî tê zêde kirin gava tu piştî du salan dest bi vegerandina deynî dikî. Piştî feydeya nesabit li ser meblexa nû ya deynî tê hesab kirin. Tu dikarî di www.csn.se de bibîni ka ji bo her salê fejde çiqas e. Hikûmet feydeyê tesbît dike.

EZ DÊ ÇAWA DEYNÎ BIDIM?

CSN piştî du salan fatûreyên pêşîn dişîne. Adeten tu deynî her mehê didî. Ka te çiqas deyn kiriye diyar dike ka tu dê çiqasê bidî. Heger tu di wextê diyarkirî de nedî, em hişyarnameyê ku dişînin.

EZ DIKARIM ZÊDETIR BIDIM?

Tu dikarî di nava du salên pêşiyê dest pê bikî deynî bidî. Tu dikarî jî peredanên zêdetir bidî da deynî zûtir bidî.

EZ ÇI BIKIM HEGER NIKARIM DEYNÎ BIDIM?

Heger tu nikarî deynî bidî ji ber ku dahata te kêmtir e, tu dikarî daxwazê bikî ku tu meblexeka kêmtir (deyndana kêmkirî) bidî yan jî peredanê rawestîni (paşdexistin). Mezinahîya malbatê û dahata salane tayîn dike ka deyndana kêmkirî yan paşdexistin heqê te ye. Her car biryar ji bo salekê ye. Feyde tê hesab kirin tevî ku tu deynî nedî jî. Lewra deynê te zêde dibe heger tu vegerandina wî rawestîni. Hin qaîdeyên din ji bo paşdexistinê hene heger tu li Swêdê nebi. CSN dikare agahdariyên zêdetir li ser wan qaîdeyan bide.

ÎMKAN HEYE KU DEYN BÊ JÊ BIRIN?

Heger CSN biryarê bide ku ji bo mideteka dirêj di paşerojê de îmkana te ya vegerandina deynî tine ye, mimkin e deyn bi yekcarî bê jê birin. Sebeb dikare bo nimûne nexweşiyeka domdirêj be yan emirê mezin û dahata kêmtir be. Ji ber wefatkirinê deyn otomatîk tê jê birin.

MALPER

Agahdariyên zêdetir li ser deynê navmalîyê di www.csn.se de hene.

GUHERÎNA NAVNÎŞANÊ

Heger tu di nav Swêdê de cihê xwe biguhorî, tu dê navnîşana nû bidî qeyda nifûsê. Baş dibe ku tu CSNê jî pê agahdar bikî. Divê tu navnîşana nû ya derveyî welatî yekser bidî CSNê. Tu dikarî kartên navnîşanaê jî CSN bixwazî.

AGAHDARÎYÊN ZÊDETIR

CSN, Hemustrustningslån [Deynê navmalîyê], 851 82 SUNDSVALL agahdarîyên zêdetir dide.

Telefon: 0771-276 100

Demê telefonkirinê: 9.00–12.00

Faks: 060-18 60 06

E-poste: hemustrustningslan@csn.se

Malper: www.csn.se

Ev zanyarîname hatiye wergerandin bo zimanê erebî, îngilîzî, fransî, kurmancî, paştî, farsî, rûsî, somalî, soranî, figrîni Semantix jî wergeran berpirsyar e.

